

葛氏宗譜

卷十



泗港宗祠 乾隆八年建

坐落章卿六保才字一百零二號今丈二畝五分三厘
祠基外採利辦糧

說明

泗港宗祠建造於遜清乾隆八年爲第

世


公所創辦地位於泗港大街西端南西兩面靠沿
東橫河及小馬橋港約共基地三畝有零房屋在基
地南部坐北朝南一高穿共二十間後埭正廳三間
置神主座位匾額滿掛春秋二祀及宗族重要會議

悉在其內前埭正中一間爲大門通路其餘兩側元堂等皆族中無房屋者居住其後埭田一畝七分其東埭田四分全部四址及房屋尺度悉見圖示祠產二十餘畝其收入由本宗五房輪年管理作爲祭祀及修理購置宗祠房屋及應用物之用此後國家太平宗族繁富出而主持有人則我宗祠之輝煌可拭目以待也祖宗遺望實現能不含笑九原


中華民國三十八年春月 三十八世孫味香謹識

泗港宗祠圖

泗港宗祠圖




宗祠圖




泗港宗祠房屋地基平面圖

中華民國三十八年八月元月


比例 四百分之一




青陽宗祠圖



青陽宗祠圖






宗祠圖


約百餘間至南星橋









宗祠圖



青陽宗祠平面圖



青陽宗祠平面圖



葛氏宗譜卷十

家訓條約

大而君臣父子小而事物細微其道多端非筆
易罄姑舉至要者數條以與族人相勗非一人
之私言也

立心術

心爲一身之主如樹之根如果之蒂心裏若存天理存
公道則行出來都是好事便是君子心裏若是人欲是
私意如根衰樹枯蒂壞果落故人休要把心壞了○玩

古訓以懲心坐靜室以收心寡酒色以清心却私欲以養心尤當悟至理以明心○欲淡則心虛心虛則氣清氣清則理明戲謔甚則心蕩而心亦爲所移不戲謔亦存心養氣之一端○強人以難行之事吾心何安汚人以不美之名吾心何忍

端品行

居身無玷鄉里效慕窮賤亦尊毀棄隄防寡廉鮮恥通顯亦辱○君子有三可惜此生不學一可惜此日間過二可惜此身一敗三可惜○一失脚爲千古恨再回頭

是百年身莫放過親切工夫莫虛度少壯時日○要做
一分事業須任幾許勤勞

敦孝弟

但念身從何來親從何往新枝既起舊本爲枯菽水承
歡何能報答則孝心自然疼痛但念茫茫大造出世幾
時渺渺人寰同胞幾箇幼相濡沫老共護持則友弟自
然肫懇○今人事事要好於父子兄弟間都不加意譬
如樹木根本既枯雖剪綵爲花能有幾日好看人生大
節莫過於孝故求忠臣必於孝子之門若事親不孝大

節已虧縱才華絕世事業踰人其餘不足觀已

培根本

喪葬之事竭力不可推委弟兄○祖宗雖遠祭祀不可
不誠○祠堂之設所以盡報本反始之心尊祖敬宗之
意實有家名分之首務開業傳世之本也○祠堂宗譜
竭力修輯既有功於祖宗又有功於孫子承先啓後惟
此爲甚○祖宗墳墓雖遠清明祭掃不可不到○墓上
樹木無則栽培有則保護不可妄行斬伐

耑學業

幼而學者如日出之光老而學者如秉燭夜行猶賢於
瞑目而無見也大禹聖人乃惜寸陰至於衆人當惜分
陰豈可逸游荒醉生無益於時死無聞於後是自棄也

尙勤儉

居家以和氣爲主古云和氣致祥人家父子不親兄弟
不睦叔姪無禮夫婦無情斷不能成家故父慈子孝兄
愛弟敬夫和妻柔家之福也勤儉所以治家謹慎所以
保家詩書所以起家忠孝所以傳家

練世務

持身涉世不可隨境而遷須是大火流金而清風穆然
嚴霜殺物而和氣藹然陰霾翳空而慧日朗然洪濤倒
海而砥柱屹然方是宇內眞人品自家好處掩藏幾分
便含蓄以養深別人不好處掩藏幾分便渾厚以養大
○不蹈無人之室不入有事之門不處藏物之所正以
避嫌遠禍壞人品有三字曰不打緊壞人家有三字曰
不好看

睦鄰里

鄰里必以和睦爲本凡事只宜用情不可結怨用情則

無後患不結怨則人心自然和平○凡人輕慢而不敬
重我者必自家輕浮淺躁有以使之也如立端行正不
妄言笑不與人褻狎則人自不輕我○施惠不在多寡
在於當人之厄結怨不在大小在於傷人之心○兩人
失歡訴我當以好言勸解不可添言助興○做人須有
常情切不可有始無終遇事必斟酌而行慎毋造次○
自謙則人愈服自誇則人必疑我恭可以平人之怒我
貪必至起人之爭

嚴教訓

養子不教父之過教之不嚴師之情父教師嚴兩無外
學問無成子之罪○教子弟者平時當舉立身大節古
人善行日訓迪之以變氣質端向往而又調和其情性
充養其器識庶根本既植隨用咸宜所謂蒙以養正也

慎交游

泛交則多費多費則多營多營則多求多求則多辱惟
省事足以養廉慎交可以成德○小人固當遠然亦不
可顯爲仇敵君子固當親然亦不可曲爲附和○要做
好人須尋好友

誅忤逆

詩云父兮生我母兮鞠我欲報之德昊天罔極乃不能
膝下承歡極其孝養或因家私起見或因兄弟生乖或
吝朝夕之資或艱驅使之及卽爲自執已意過聽妻言
以忤親心以逆天理噫亦異矣且復詬詈所加公然不
遜豈族類中有此禽獸也耶逆理犯分人人得誅宜共
公集祠中以重責三十板發落以戒其將來族人共視
歸家各戒爾子各孝爾親是亦可謂懲一而儆百也再
犯鳴官不貸宗譜削其生平婦人照例而行其夫亦當

共責

黜姦淫

姦淫一事污人品行辱及兒孫壞已清名報在旦夕語所謂萬惡淫爲首也蓋偷寒送暖而身首當凶野草間花而妻孥受毒盜僕婢而悍奴弑主戀姬妾而妬婦戕夫種種業冤彰彰報應則亦何得寄興風流侈談情種距異端

恢宏先業振起家聲者屬之子也娛養桑榆流傳奕禩者屬之子也飢寒疾病豈遂終身而出爲僧道也耶夫

桑門不自空桑寂靜乃爲寂滅豈夫婦成禮爲僧道傳
衣鉢父母生我爲佛老廣儲嗣計乎况火性常存毒龍
難制五戒不守終議二人是宜公爲具呈當事責父之
不慈杖子之不孝或坐僧道妖言惑衆誑騙子弟之罪
速令還族庶得以返邪歸正焉至於習爲火居道士尤
屬下流祠中杖責必不可恕若婦女爲尼者亦如此例

棄輕生

凡人好死是曰善終卽書所謂考終命乃九五福之一
也若不幸而至於凶短折則六極矣乃有輕生好死之

人如亡於刃溺縊者比之螻蟻惜命尙且不如宜其葬
不開喪祭不入祠以爲後人之戒而凡不知自愛死於
他人手者亦可同觀矣至於爲臣死忠爲子死孝爲婦
女死節是乃死重泰山流芳百世后有恩榮人將不朽
者也豈輕生者所可彷彿其萬一也哉必爲具呈請旌
不可任其淹沒而不彰也

絕不娶

孟子曰不孝有三無後爲大娶妻本爲繼嗣所以上承
宗祖下啓百世者也而世有終身不娶者是曷以故居

父母蔭下而父母不爲之置室一無父母者已不自置其室也要之人生百年卽置室一事尙且不爲則其人之於已於親可知已故譜中所置終身不娶者非褒之也乃所以紀其實耳至於獨延一綫而貧不能以自存同室者當厚助之襄其成配或祠中有財可少假之也然此出於人心之公論耳豈無妻者所藉以爲口舌耶

罰溺女

人命關天罪在不赦故見人危篤猶奔號往救况已之兒女乎見人行凶殺人猶爲勸解乃自己親爲之乎人

或觸怒於我我故不忍彼嬰兒女何辜乎世之生子溺者猶少一若生女多至不育曰免當日之保抱也免後日之妝奩也其殺人之罪當何如乎

莫欠糧

惟正之供庶人是職而早納之則爲良民緩納之則爲頑戶至於追呼所擾雞犬不甯未及上輸而大半飽吏胥之腹矣况當堂一到不辨自刑身體髮膚辱及先祖罪何如乎夫田產所入先計急公自足供賦惟荒墳一事多認賠糧如果祖先之冢自難推諉如荒基荒地多

者必當設處至若絕產既入宗祠則糧應祠辦不然則應嗣是主故防僞亂宗不可不嚴辨也

戒健訟

訴枉伸冤須審自家勢力報讎雪恥當逢官宰廉明乃或因細事起風波偶爲微端纏歲月將小民爲魚肉結里黨爲仇讎視吏如親揮金如土迨殘心既逞而家園故物大半入於豪右之門矣不亦可憐不足惜乎此等之子自以爲雄情理之言難於相入當各戒子弟遠之不可更助紂爲虐俾虎而生翼也至欺滅宗黨殘害孤

獨族中當發公憤以殲之不可任其荼毒其有刁唆我訟者尤當猛省回頭不可墮其術中不悟

禁賭博

書畫琴棋醫卜星相以及一材一藝之類其始也足以娛情適志其繼也足以覓利資生其終也足以成名傳世至於賭博由吾孤注百萬呼盧蕩產傾家莫此爲甚蓋一習此事所設俱險心所言無正語所接皆小人其不疏落難堪者百不得一也

譏失教

語云教子嬰孩教婦初來甚言子婦之不可不教而教之不可不早也乃有過於姑息養成驕妬雖不至於忤逆不孝而不才無用悔之已遲况失教之人有事之不可知者乎大約子弟於五六歲後當事事留心教育一言一動教之誠實有始有終令其常在身邊供役執事不可諉之先生不可使近頑童不可任其有外嬉遊不可放其偷學賭博以母而兼父道可也以父而如婦人女子之態可乎

[illegible]

張岐山支纂修入譜跋

昔尼父少孤不知其墓唐宗立廟遠追李聃與其攀援而失之附會孰若就所知而毋自欺也吾支世居稻莊基明季寇難土匪張刻薄橫行鄉裏剽掠富戶吾祖子茂公避居巒塔灣別墅年僅數齡棄家而逃數遇兵刃苟全性命逮後亂定始卜居於張岐山而先世所藏書籍譜系蕩然無存因幼年離亂失學歲月幾忘何有於祖先名諱是以從前皆茫然無考至乾隆丙申吾族修譜遠紹則上無以續旁摻則支僅單丁無可執據勉以

續來字樣接於顯童之下此不特欺祖并欺後人也今
歲續修遠搜明譜廣羅衆說竭盡心力難可訂正竊思
世居江邑皆是炳公一脈相傳苟其混接他支何妨別
自爲祖因據故老之傳聞祖先之遺訓另立張岐山支
於定山之后青暘之前而子茂公以上疑者闕之恐失
之附會非敢自欺也后有賢起諒余苦衷不訾異說或
能溯本尋源實爲萬幸至於世次仍前之訛可爲知者
道難學族人爭也

咸豐歲次己未三月

張岐山支裔孫振謹識

續修宗譜跋

我旅自明萬歷間石溪公諱勳摻羅散佚採訪族屬敘
江陰一派成譜十卷至今尙有存者然皆抄錄未經刊
刻至乾隆丙申青暘支冬暘公諱景增捐刻宗譜始有
刊本雖本暘亭公所抄明譜而定山一支僅據其近地
族人稱謂而附會之其中難免訛舛閱世既久稽考難
周越今又八十餘年矣丁巳仲冬青暘修樵曉亭諸老
族尊彙議續修振自以卑幼不敢稍參末議竊以修譜
之法與修史同要在秉筆者之得其人始可信今而傳

後旣而聘修樞賢甥江蓮黃君主其事而族尊稼莘任
採訪不以振不才亦命與校讎之役乃屬稿初定而採
訪者已修文於地下主局者亦跨鶴於楊州事已垂成
功忽中輟良可惜也族尊曉亭賢坦璞山張君素留心
於譜學因與族人敦請來局於是統核全稿重加訂正
發凡起例溯流尋源分房編輯較之前稿信而有徵然
謂之盡善張君未之敢信實經兩人手筆而成吾恐張
君不居功亦不任咎也工旣竣附識簡末

咸豐歲在己未暮春之吉三十四世振謹跋

民國甲寅修譜告成跋

炳臣

甲寅之冬局譜將竣長夜圍爐與客談軼事客曰貴族之譜將竣矣誰居經濟功誰居採訪功誰居監督管理功予見子奔走將近一載三者必居一於此矣予曰嘻客何言之過也夫古者三世不修譜謂之不孝敦本睦族修輯譜牒爲正本清源之道此人子應盡之義務何得言功且予一介寒微於經濟不足言也一人之精力有限則採訪未必週也年少世卑則監督管理非我分也惟家叔子封旣合族奉爲主修彼旣不辭其難出而

從事余不得不追隨左右而襄厥成焉他日子所經理處耳中不聞舛錯幸矣功何爲哉客曰子不居功子必居利今歲得利幾許予曰爲公事出外取給公中而欲籍公中以肥私囊予不敢亦不願客曰異哉世人出而從公每每名利兼收子何名利之兩忘也嘻客退卽其語而爲之跋

民國己丑續修宗譜跋

傳銓自秉命接受葛祠族務而後一切涓滴歸公歷有
年所惟以抗戰開始國家金融失其正常致頻年祠內
收入銳減無法平衡入不敷出有虧無盈乃既承乏於
先曷敢言辭而忽置於後其對於春秋祭享之常規故
迄未改觀以蔑視祖先耿耿此心矢志未渝民國三十
四年秋抗戰勝利天日重光有鑒於全邑各姓各族之
風起雲湧羣相踴躍咸以修譜爲當務之急而共爲敬
宗收族之謀翌年我族族尊寶生亦具同情遂倡議發

起當徵集旅滬各族裔之同意以資號召民國三十六
年秋九月滬上族裔萬方鳳岐潤秋等即開始集會計
劃墊欸鄉間譜局事務則責成族長寶生及傅銓負責
故於三十七年初夏即行散發傳單通知定山支泗港
宗祠一體纂修并爲交通便利關係決設修譜辦事處
於青暘葛氏私立體仁學校聘請陳曉青陳佳浩兩先
生爲正副編輯一切設施及計劃均依遵堂兄鳳岐等
主張而寬籌經濟從事進行全體丁捐規定征收每丁
白米兩斗另加譜費泗港方面族衆之捐助者概歸泗

港宗祠收入青暘宗祠不沾分文各歸各該族裔經管用示公開惟丁此內戰方殷干戈擾攘迄無寧日之候務求事在速成而早日結束故將舊式木盤排印之曠日持久有所稽延者卽改由江陰城內源德堂東號用活盤鉛印倣宋字體而力求迅速所以於去冬開盤刷印期於本年清明節前竣工俾便發譜是役也旅滬堂兄鳳岐等之籌劃經濟傳銓與族尊寶生等之奔馳採訪多方接洽不姑容而徇私甯任勞而任怨不變者概守成規其變者悉依現行法例爲根據決不輕舉妄動

而舍本逐末例如妻與妾譜例早有規定而今之與妻
此離者則直書其此離而接配某氏以誌識別且譜必
數十年而一修前修於咸豐年間者至民國初元續修
幾六十年本屆於去春開始亦已相距三十有五年矣
如此年湮代遠各支系之東移西遷者恐將兄弟而途
人之骨肉而吳越之也臨事而思能不憮然故本屆採
訪力主週詳雖至遠至微亦必追蹤查訪如青暘支之
遠在嘉興者親往接洽其有散居邑東沙洲各地者亦
經親訪追接纖屑靡遺其有支大丁多而失修者如無

錫張村區之旺莊支

在澄錫公路
堰橋站南

經查明於遜清咸豐

七年失修距今已脫修兩次此外尚有錫境洛社花渡
支查係青暘本支遷出雖錫澄兩縣境地毗連而咫尺
年該支并已於遜清光緒十四年立祠支修今一揣其
天涯失却聯繫去秋一經查訪始知失修已久無從紀
本而珠聯璧合呵成一氣是又吳越而骨肉之矣親親
之誼重複舊觀於以知古之世家以存宗爲大孝聯族
爲大義而靡不重於譜牒者此也茲輯譜旣成傳銓於
役參加竣工在即爰不揣譾陋特敘其厓略梗概而跋

其後焉

民國三十八年己丑中和節

三十四世裔孫傳銓 俊才 謹跋

未能同修的各支系表

彪公派青暘支世表

彪公派花渡支世表

定山分支六房橋樓下村系表

附鄔家巷

定山分支周莊廟頭系表

附小唐家巷

錫澄路旺莊

華墅蔣家園

定山分支王村橋系表

附陶家巷

定山分支涇灣系表

附壽興沙繆家圩

后滕謝家弄

倪家灣

金家橋趙家基

定山分支花巷系表

定山分支泗港慕啓派系表

定山分支泗港慕啓派系表

附大五房村 謝家巷 謝家基
嚴家橋 葛家基 徐家巷 北

村上葛家老牆門

小馬橋 真如鎮 葛家圩 海壩沙

定山分支泗港少啓派系表

附陳六房 斜壩 海壩頭 老住
基 範港 橫港橋 葛家壩

定山分支橫河系表

附東外蒲鞋場 湯家弄
皂莢樹頭

定山分支袁家橋系表

定山分支清化鄉系表

附瓠岱橋葛家基 朝南繆家圩
黃土塘吳巷上 東新橋小莊圩

定山分支北外系表

定山分支鹿苑系表

定山分支昆山吳巷系表

附璜塘王蒼培村

定山分支張岐山系表

附純陽堂

青暘分支西街系表

青暘分支水潭頭系表

青暘分支南沿河系表

青暘分支水潭頭系表

青暘分支東后宕系表

附潘家村

青暘分支水潭頭系表

附北沿河東街

青暘分支北街南街系表

青暘分支浦家村系表

附邱缸片村

青暘分支石幢南埒系表

附倉頭河南村

花渡分支大房系表

花渡分支二房系表

花渡分支三房系表

花渡分支四房系表

花渡分支五房系表

花渡分支六房系表

彪公派世表

彰公派世表

立象公后江西支世表

立方公后湖州支世表

立中公后撫州太平州支世表

立章公后蘇州支世表

[illegible]

后記

本次葛氏宗譜共拾卷為一套，共計印刷二十六套，各支領取情況如下：

一、前溪支

二套

二、菜巷支

十三套

三、許家村支

一套

四、穆家弄支

一套

五、雙橋支

七套

六、戴店支

二套

This image shows a single sheet of white paper with horizontal blue or grey ruling lines. The lines are evenly spaced and run across the width of the page. There is no handwriting or other markings on the paper.